


· (XV 754). ancien L 4° 463 Reliure aux arous de De Mon avant Ses Deux mariages



COPIE Dune Lettre, escripte

De Thurin à Lyō, du seiziesme d'Apuril, Lā Mil
cinq cens xliiij traduicle d'Italien en Francoys,
contenant la deffaicle des Espaignolz dela
les Montz, par les Francoys, soubz la
conduicle du seigneur d'Anguien, le
Lundy de Pasques quatorziesme
I our desdictz Moys, &

An suscriptz.

Ensemble lestimation des Victuailles, & dese

pouilles prinses par lesdictz Francoys, sur lesd

Espaignolz, le tout descript au uray.

Imprimé à Tholose par Guyo Boudeuille, auecq permission de messieurs les Capitolz dudict Tholose, defendans à tous aultres Imprimeurs vibrayres, de non en imprimer ny uendre sans le congé vicence dudict Boudeuille par lespace dung An.

COPIE Dune Lettre efcripte de Thurin à Lyo, du seiziesme d'Apuril, La Mil cinq cens xliiij. traduicle Italien en Francoys, contenant la Vi-Choire obtenue dela les Montz par les Francoys contre leurs Ennemys, Soubz la conduicte du Seigneur de Anguien, le Lundy de Pasques quatorziesme Iour desdictz Moys, & An suscriptz. Oué soit Dieu, & a luy seul honneur & gloire de la Victoire quil nous a donée. Et ainsi l'afaid le Peuple de ceste Ville, le Lundy second Tour de Pasques en quatorziesme du Moys d'Apuril, Lan Mil cinq cens quarantequatre. Lequel (peuple) apres auoir eu les nouvelles, sen alla à la principalle Eglise en procession, rendant graces à Dieu de ladicte Vi. Etoire; or icelle acheuce fut tirée toute l'Artillerie o par toutes les Rues furent faicle feux de ioye, qui estoit chose admirable. Et pour nous dire commela chose est allee du uray, selon la relation de gens dignes de foy (combien que beaucoup disent daduantaire)ont esté trounez mortz en la Campaigne, buick Mil person nes des Ennemys, & enuiron cinq cens des nostres, plus tost moins que plus. Item Mille quatre cens prison niers, (or daduantaige) lesquelz lon renuoye (comme mescript le Secretaire du Conite de Pancalier) en leur pays, passant par la France. Assauoir les Espaignolz. par le Daulphiné, & les Lansquenetz par la Sauoye: quant est des prisonniers dimportace, nay sceu scauoir les noms, sinon de Charles Gonzagua, & le seigneur de Scalenger. Daduantaige, depuis le Camp iusques bien pres do Ast, les nostres (de V ille neufue, co de la Cisterne Jont tué desdictz Ennemys, quinze ces ou enuiron: dont entre tous aultres fut trouvé mort Cesar de. Naples, or des nostres, les Seigneurs des Scrocs, de la Molle, o de drotz, o monsieur de Termes prison. nier: o me semble que cest la plus belle Victoire q aye esté de long temps pour la France, o mesmement pour la consequence qui en peult estre.

Le comencement de la Bataille fut: Estant bien adnerty monseigneur de Anguien, par tresbones Espics, apres auoir tenu son conseil, feit une Oraison aux Capi taines & aux Souldartz, les exhortant & priant nouloir faire leur debuoir, & J. Dieu par samisericorde ne les habandonneroit point, leur remons trant comment

ilz combatoyent auecq iuste querelle, ayant les Ennemys rompula Trefue cotre toutes loix. Apres alla exhor ter les Suysses, leur rememorant les lasches tours q leur furent faicle au Montdeuis: dont soubdainement sirent ung grand bruict or rumeur, tous promectantz de bien faire leur debuoir. Lors modict Seigneur de Anguien en les remerciant gradement, dict. Affin qu'ayez meil leur couraige de combatre, & que ceulx de Carignan Sortant dehors, ne nous puissent faire auleung domaige: or außipour oster lesperance de fouyr à aulcung des nostres, ie donneray ordre, que estre commencée le scar mouche, les Pontz qu'auons faiclz faire sur le Pau seront abatuz: Qui plus est, ie suis bien aduerty que à Volpian ya peu de gens, & moins de Victuailles: & sí daduanture ilz se mecloyent aux Champs, iay donné ordre que de Thurin, Cazelles, Cheuas, O. Motca. lier, sortiront partie de noz garnisons pour doner des sus. Et alors marcherent en bataille, auecq toute lar. tillerie, en mechant la Cheualerie au deuant, qui comens cea descarmoucher: laquelle feit sortir les Ennemys de leur fort. Et subitement toute Larmée se y trouua, en escarmouchant: à laquelle fut faict certain signe pour faire place anostre Artillerie que lan lascha incontinent, laquelle (par la bonne condutcle qui y fut) feit tate de dommaige à noz Ennemys quilz demeurerent fort esbahys & estonnez. Touteffois prenant couraige se ralier et & uindrent si impetueus em et (specialement les Lansquenetz & Espaignolz) sur nostre Artillerie & bagaige, que lon estumoit certainement quilz leussent gaignée: mais le Seigneur de Botieres lors auecq toutela Gendarmerie se gecta parmy eulx, la ou sut faich, tant par luy que par les siens, choses dignes de memoire.

Monseigneur d'Anguien, là, seit acte dung Cesar or choses de grand efficace, uoyre en telle sorte que ses dictz faictz meritent destre couchez en perpetuelz es criptz, qui seroit chose trop prolixe à racompter, uou lant declarer les particularitez, dont à present ne uous en diray aultre chose, sinon que cest ung homme bien ui-

gilant, comme il se uoyt.

Le Marquis du Guast & le prince de Salerne auecq plusseurs aultres qui estoyent bien mötez, se sont sauluez sur les montaignes, tirant sur le chemin d'Ast. Et fais soit alors le Capitaine A lexandre comme souloit fais re le Seigneur descarlingues, & mena prisonniers à la Cistèrne soixate Sallades des Ennemys, estant lors en capaigne auecq deux mil V illains, q ne stoyent guieres

piteux desdictz Ennemys fuyas: o daduantaige ledict Alexandre amené à la Cisterne quatre grosses pieces d'Artillerie q lesdictz Ennemys auoyet laisse aupres d'Ast, en allant à la iournée: Et qui plus est, presentemet iay nen entrer en ceste ville douze pieces de Ar. tillerie desdictz Ennemys, ayant en armoyrie les coulénes & (Plus oultre) laquelle deuise est faulce pour L'Empereur, or non pour nous. En oultre nozgens ont prins de quatre à cinq mil Corseletz, & une grade quatité de Chemises de maille: Et entre aultres choses hier parmy le bagaige furët trounez quatre grads Cof fres, tous plains de Manettes de fer, qui estoyent pour enferrer noz Italiës & les mener en Gallere: car ledict Marquis du Guast estimoit que des nostres, nul ne deb noit eschapper de leurs mains. Le ne puis penser d'on uient la grande inimitié que ledict Marquis a côtre les Italiens, attendu que luy mesmes est de la nation, sinon quil uneille degenerer. Nosdictz Ennemys ont faict comme ceulx qui coptent sans l'Hoste & maistre, qui est Dieu tout puissant, auquel soit toute louenge. Lon estime la Victuaille que noz gens ont prins enuiro Cent mil Escutz ou plus: Et affin que ne uous sem ble chose trop estrange, ily auoit Quatre mil Bestes à

corne, lesquelles estoient en partie du Montferrat, & partie de ce pays. Aussi y auoit grad quantité de Fro maiges de Milan, desquz en a esté faict bon marché: car les Souldartz en ont baillé pour demy Escu la piece. Pa reillement sest trouué grād quātité de Farines, Lardz Beufz salez, & huille: ensemble aultres Monitions de bouche suffisantes pour auitailler, non seullement Carignan, mais encores Rivoles, Avilliane, & Suze. Carilz auoient deliberé dauitailler les dictes Villes, puis apres ledict auitaillemet, tailler & brusler toutes les Vignes, Bledz, or auoines: or ausi brusler toutes les aultres petites Villes & Villaiges pour nous affamèr. Daduantaige se trouua grand quantité de Mu letz & Chariotz tous chargez desd uichuailles: dot iay grand regrect de la mort des Viuandiers Milannois, ausquelz les Ennemys auoient prins leurs Cheuaulx &. Muletz parforce pour faire porter leurs uictuailles. Seblablemet en ladicle prinse furent trouvées six Char rettes chargées de torches blaches oquatre charretées de Saulcices de Bouloigne, qui est iouxte le prouerbe, que à la guerre les dictes Saulcices ne se treuuët pas sur les arbres, pource quilz les ont trouvées au chemin. Lon disoit deuant la bataille que les dictz Ennemys

nestoient que de unze à douze mille, mais depuis sen est trouvé plus de dixhuich Mille, dont noz gens nestoient en ladiche bataille que douze Mille, plus tost moins que plus uous asseurant que ce nest point mocquerie: oultreplus nosdichz Ennemys estoient en plus grand no bre de Cheuaulx que nous, car ilz auoiet pour le moins Mille trois cens Cheuaulx, po nous sut laissé par les de Ennemys de quarante a quarante cinq Enseignes pour le moins, le tout par la volunte de Dieu.

Le mesme iour de la Bataille, une partie de la Muraille de Quiers tüba par terre, et à present la moissié de nostre Camp est deuant lediss Quiers, et laultre moissié deuant Carignan. (ie dys des gens de Cheual) Les gens du Comte de Gruieres ont tourné le dozau besoing: mais mösseur de Taix auecq les Gascos, Francoys, et la liens se meirent dans les Ennemys auecq telle le fureur quilz combatirent quatre Heures deuant que sinir la bataille: Et les Suysses aussi, crians Montdeuis y monstrerët leur force et ualeur, qui seruit beaucoup. Ceulx de Carignan se sont uouluz rédre, Bagues saulues, mais mondiel seigneur d'Anguien na pas encores deliberé ce quil en a à faire.

FINIS.





